

kontuola...

KONTUOLA, Idolaz elkarte, ANTZUOLA. Kazetariak: Marijo Deogracias, Ainhoa Ugarteburu **Publizitatea:** Uxue Zabaleta **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Maripi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

Antzuolako hamabostekaria, 67. zenbakia. 2000ko urriaren 10a.

Errekaren auzia zain oraindik

Plazako bizilagunek ez dute nahi erreka euren etxe ostetik

Herriko plazako bizilagunek prentsara zuzendutako ohar batean bost puntutan azaltzen dute zergatik ez duten nahi erreka euren etxe ostetik pasatzea. Ingurumenaren eraginari buruzko txostenen oinarritzen dituzte bizilagunek arrazoi horiek. Eta etxe horien atzealdean dagoen mendiaren ez-egonkortasuna da ematen duten arrazoirik nagusia. Izan ere, euren adierazpenen arabera "mendi hori ikutzen bada, goitik behera etorri daiteke eta konponbidea gainean beste horma batzuk ipintzea izanda ere, mendiari eusteko, arriskua ez da saihesten".

Horrela azaldu zuen, Jose Luis Enak, GOITBn. Hala ere, bi urte daramatzate Herriko plazako auzokideen balkoietan "alibiadorea atzetik, baina estalita" dioten pankartek.

Hori horrela izanda, Antzuolako Udalak ez du ulertzen auzokideen iritzi aldaketa. Mireia Unamunok azaldu digunez, "Herriko plazatik pasatzen den erreka zabalduz gero, herria plaza barik geratuko litzateke eta bide batez, gutxienez hiru etxe bota beharko liriateke". Horren aurrean, aurreko udal gobernuak adostu egin zuen erreka bere horretan lagatzea eta Herriko plazako etxeen atzealdetik beste ubide bat egitea. Legeak, ordea, ubide berri hori irekia izan behar dela agintzen du.

Herriko bizilagunen oharrak, udalari eskatzen dio errespontsabilitate gehiago izatea kaltetutako bizilagunekiko, izan ere, "bera izango baita gerta daitekeenaren arduradun". Udalak adierazita koaren arabera, "aztertu egin beharko da arduren kontu hori, baina ez dugu ulertzen bizilagunen iritzi aldaketa".



Oraindik ere, hortxe jarraitzen dute leihoetako pankartek.

AURREKARIAK

Antzuolan erreka desbideratzeko asmoa 1988ko uholdeen ondoren sortu zen. 1983an, plazan egindako obra batzuen ondorioz, ubidearen ahoa estutu egin zuten, ordutik, urak dakartzan hondarrak ahoan tratatuta geratzen dira, Surpe taberna pareko zubian.

Bi aukera daude ibaiaren arazoa konpontzeko: ibaia plazatik pasatzea baina estali gabe. Horrela, ubidea zabalteko aukera egongo litzateke eta uholdeen arriskua saihestu. Baina aldaketa garrantzitsuak ekarriko litzuzke: herriko

plaza desagertuko litzateke eta berria eraiki beharko litzateke. Horrez gain, bi etxebizitzatan eragina izango luke.

Bigarrena honakoa da: ibaia desbideratzea. Horrela ibaia bitan zatituko litzateke. Zati batek orain bezala jarraituko luke, plaza azpitik. Bigarrena plazako hainbat etxebizitza eta udaletxe atzetik pasatuko litzateke eta estalita gainera.

Azken hau da, hain zuzen, 1998. urtean, EAJko gobernuak erabaki zuena. Eta baita oraingo gobernuak defendatzen duena ere. Hala ere, plazako biztanleak ez daude ados erabakiarekin. ■

■ ■ ■
Herriko plazatik pasatzen den erreka zabalduz gero, herria plaza barik geratuko litzateke
■ ■ ■

Elay, Elhuyarren festan

Elhuyarrek euskara bultzatzen diharduten enpresekin jaia egin zuen

Aramaion izan zen festa hori Elhuyarrek antolatua. Euskara bultzatu eta indartzen diharduten enpresek aurkezpen festa ospatu zuten. Bertara bost enpresatako ordezkariak joan ziren.

Elay izan zen enpresa mailako euskararen sustapenerako plangintzen aintzindaria. Enpresetako ordezkariak festa honen bidez elkar eza gutzeko aukera izan zuten eta euren balorazio eta esperientziak azaldu zituzten. Egun pasa ederra egin zuten gainera, poteo, bazkari, eta bertsolariekin.

ELAYKO ESPERIENTZIA

Badira ia zortzi urte, euskaratze plangintza abian jarri zela Elayn. 1992an %65 euskaraz jarduteko gai zen enpresan. 1996ko ekainean, plangintza bukatu zenean, % 90koa zen Elayko euskaldun kopurua. Elay taldeak bi helburu nagusi zituen: bata euskaldunak ez zirenak euskalduntzea, eta bigarrena ahozko euskaratik idatzizko euskarara pasatzea. Agiri guztiak euskaratu zituzten eta "Komunikazio zirkulua" ere sortu zuten, egunero ordubete hiztegi tekniko bat egiteko elkartzen ziren, gaztelerazko ehunka hitz euskaratzeko.

Orain, plangintza amaituta badago ere, Elhuyarrek urteetan egindako lanaren ondorioz oraindik badaude euskara taldeak Elayn, adibidez, bulegoetako jendeak oraindik prestakuntza lanetan dihardu. Gainera diote, "emaitza osoak lortzeko, uste dugu 20 urte beharko direla, agian gutxiago, 12-15 urte, baina hau baikorregia izango da. Hala ere ez dugu ahaztu behar hasi ginenean baze-goela jende kopuru bat, batez ere, adinagatik edo, ezin zirenak plangintza honetan sartu, baina gazteak lanera sartu



Urriaren 21ean ospatu zuten jaia Aramaion.

ahala euskaldun kopurua eta euskaraz egiteko joera handitu egin da".

Elhuyarrek, Elaykoen hitzetan, "lan handia egin du, baina ez dugu ahaztu behar, langileen partetik ere ahalegin handia egin dugula. Ahalegina orokorra izan da, baita zuzendaritzarena ere:"

HELBURU OROKORRAK

Elhuyarrek enpresa askotara zabaldua dagoeneko plangintza hau, eta oinarria nahiko antzerakoa du, nahiz eta kasu bakoitzean diagnosi ezberdina egin, ezin baita lan berdina egin %60-70eko euskaldun kopurua duen enpresa batean edo %15-20 duenean. ■

Arrolaren erakusketa

Arrolak egin zuen perretxiko erakusketan 150en bat espezie erakutsi zituzten eta horietatik 93 sailkatuta.



ANTZUOLA

Apainketak eta isola-
menduak
Pladurrezko dibisioak

Kalegoi 21 ANTZUOLA
Tf.: 943 72 30 05
Billegia: 943 78 70 40

EGAÑA

Era guztietako arotz lanak

Tarima eta parketa jartzea
Zoruen kutxilatuta eta barnizatuak

Kalegoi 21, ANTZUOLA Tf.: 943 76 64 23

GOROSTI
Taberna

☎ 943 76 62 96
Zurrategi plaza ANTZUOLA

Mahai inguru zabala

Elkarrik mahai inguruua antolatu zuen urriaren 26an udeletzeko areto nagusian. Ehun lagunetik gora elkartu zen udaletxean eta hizlariak EAJko Juan Mari Juaristi, EHko Joseba Permach, EAKo Martin Aranburu, Zutikeko Joxe Iriarte "Bikila" eta Elkarriko Bittor Aierdi izan ziren. Moderatzailea, berriz, Mikel Irizar, Goiena Komunikazio Zerbitzuak Kooperatibako lehendakaria. Mahai inguruaren ondoren, herriko politikariek duten iritzia jaso nahi izan dugu.

Jose Angel Zabalo, EAJ

"Nik bi gogoeta egingo nituzke: lehenengo, alde guztietako jendea etorri zela eta hori ona da. Bigarren gogoeta: duela 25 urte bide ezberdinetatik, baina denak Aizkorrira iristea zuten helburu. Galdetuko nuke gaur egun non gauden, atzerago, bidean galdu garen edo zer gertatu den".

Juan Antonio Iturbe, EH

"Mahai inguruak ondo daude. Jende asko egon zen eta beharrezkoak dira, baina nik garrantzi handiagoa emango nioke herrian elkarrizketa bultzatzeari, herriko taldeen artean".

Fernando Lete, Elkarri

"Jendearen erantzuna ezin hobea izan zen. Politikariek esan zuten eztabaida eta elkarrizketaren aldeko dokumentuak zituztela lantzeko, mahai gainean zituztela, eta niretzat horrek esperantzarako

ateak irekitzen ditu. Bestalde, esango nuke, konklusio moduan, elkarrizketa dela irtenbide bakarra eta herriaren borondatearen bidez aterako dugula egokera hau aurrera".

Juan Jose Azkarate "Errota", Zutik


"Labur-labur esango nuke, alde batetik jendea interesatua dagoela; gainera, alderdien ikuspegi eta soluzio bideak ezberdinak dira; bestalde, alderdiek arazo sozialak gutxi lantzen dituzte eta, azkenik, ETaren su-etena beharrezkoa ikusten dugu".

Gurutz Madariaga, EA

"Nik bi gogoeta egingo nituzke: lehenengo, jendearen erantzuna oso ona izan zela izango litzateke, eta bigarrenik EAtik garbi ikusten dugula ETA oztupo bat dela, eta, era berean, arazoei aurre egiteko elkarrizketa bultzatu beharra dagoela".




Jose Angel Zabalo.



Juan Antonio Iturbe.



Fernando Lete.



Juan Jose Azkarate.



Gurutz Madariaga.

Emaitza arrakastatsua

Urriaren 28an, zapatuan, Zurrategin ospatu zen Hirugarren Munduarekiko elkartasun eguna. Tortilla lehiaketaren ondoren, arratsaldeko 18:00ak aldean hasi zen festa, txokolate-janarekin. Eskatutakoari erantzunez, jendeak kafea, txokolatea, pastelak, pastak, eta tartak eraman zituen. Modu ezin hobea gozo gosea ase eta diru laguntza emateko. Antolatzaileen hitzetan, "oso balorazio ona egiten dugu. Guztira, merkataritza zuzeneko postuarekin eta diru laguntzekin 115.000 pezeta atera ditugu, eta, gainera, jendearen erantzuna oso ona izan da." Bertaratu ziren guztiek Duo Plaentxiarekin gozatzeko aukera izan zuten.



Igor eta Txomin




Margoak orokorrean

ANTZUOLA

609 157 131

BERGARA

609 150 164



Zabalo Iturgintza S.L.

Bidea eginez

Tailerra: Uzarraga bidea 10. Tf. 943 78 71 78

Erakusketa: Kalebarren 1. Tf. 943 78 71 79, Tf. eta F. 943 76 64 73

- Gasa
- Berogailuak
- Haize egokitua
- Enpresen mantenimendua
- Lurrin instalazioak
- Bero-urrezteak
- Bainugelak. Proiektuak momentuan egiten ditugu DIBaren bidez
- Birgaitze-espeditateak bideratzen ditugu

Mikel Larrañaga, Eibarko futbol jokalaria

“Futbolian, gustoko dotelako egitten dot, eta jarraitzeko asmua daukat”

Badira urte batzuk Mikel Larrañaga futboleantzen dela. Bere hitzetan “beteranua” bada ere ez dirudi behintzat bere entrenatzaileek baztertzeko asmorik dutenik. 30 urteko suhiltzaile honekin elkarriketatxo bat egiteko aukera izan dugu.

Zenbagarren denboraldia da Eibarren zabiltzala?

Lehenengo Bergaran ibilli nintzan, hiru urtitan, gero Antzuolan be ibiltzeko aukeria izan neban, baina Eibarren aurten laugarren tenporadia da. Eibarren bigarren ekipuan jokatzeko dot, baina noiz edo noiz pasau izan naiz lehenengo ekipora.

Zer moduz zabilta aurten? Eta ekipoa?

Nik betik jokatzeko dot, Eibarren jende gaztia dago, eta beteranua naizelako edo, neuk jokatu egiten dot. Ekipuari dagokionez, hasieran geizki hasi giñan, baina azkenengo lau partidutan ondo ibilli gara, egoerari bueltia emoteko modua izan dogu horrela. Nere asmua, egixa esan, beti izan da futbolian ondo pasau eta deportia egittia, baiña iaz maillaz igo giñan eta orain gauzak diferente ikusten die, Luis Perez eta Estibalizen mailako



“Maki”k laugarren denboraldia du Eibarren.

■ ■ ■
 “Iaz maillaz igo giñan eta gauzak diferente ikusten die”
 ■ ■ ■

jokalarixak dauzku taldian eta ikuspegixa be pixkat aldatu egitten da. Gaiñera aurten irteera luziaguak be egin bihar dittugu, eta hau berrixa da.

Zein asmo daukazu gerora?

Eibarren politikia beteranuak kentzia da, eda de batetik aurrera jendia kentzeko joeria dauka. Nik badira urte batzuk pentsatzen nabillela, “hau azkenengo urtia izango dot,” baiña ez dot hau oso serixo hartu. Gaiñera entrenatzaileak beti eskatu izan dost jarraitzeko, eta nik garbi daukat nik futbolian gustora egitten dotela eta jarraitzeko asmua daukatela.

Herriko taldeei jarraipenik egiten diezu? Nola ikusten dituzu?

Bai, jubenilak iaz neuk entrenau nittuan eta horregatik edo, beti egitten dot jarraipen bat. Nagusixen taldiarekin sorpresia hartu neban, nik uste nebalako hobeto ibiliko ziela. Jubenilak berriz,

ondo dabitx, talde ona dauke; igual letxe txar pixka bat falta jakue.

Neskak iaz lan haundixa egin zebe. Taldia osatu dabe eta, nik animosa eta futbolian jokatzeko ilusiño haundixakin ikusten ditxut. ■

KALEGOI 19 ☎ 943 76 64 07

Tomas Gezalaga

ANTZUOLA BERGARA

- Zoruen kutxilatu eta barnizaketa •

GAILUR
 taberna eta gozotegia

Buztinzuri 13 ANTZUOLA
 Tf. 943 78 70 32

LARREA

TABERNA

Kalebarren 17
 ANTZUOLA

KALEGOI 19 ☎ 943 76 64 07

Tomas Gezalaga

ANTZUOLA BERGARA

- Apainketarako eta industriarako pinturak •
- Paper margotuak •
- Moketak eta tapizatuak •